

南  
潯  
鎮  
志

碑刻四

汪曰楨撰

南潯鎮志廿八

大清

長生塔院記

順治五年董漢策撰石舊在南柵塔院今佚據張志載文

余自丁亥歲始好爲瞿曇家學夏五與同人習梵唄於烏  
戍之古山寺有曳杖而過余者爲漁庵禪師芒鞋雪髮形  
似壽藤卽席無遜讓輒論止觀兼談參學不半晌曳杖去  
臨別顧謂董君云潯南有片席地在古長生寺傍爲君家  
故物盍授老衲終老焉余唯唯師遂去不顧越兩載又有  
挾刺來晤者爲此山禪師此山禪師者卽吳門孝子周澹  
成寔漁庵之法嗣也時漁庵已歿爲伸請寺傍地將瘞靈

骨成先師之志余遂舉券投之此翁既爲其師建塔遂誅茅左側朝夕禮誦用酬法乳亦如向年廬墓時呼天而醴泉發攀條而羣鳥哀也居有間余方鍵關溥濶夜夢羣鬼千億計環余書屋叫號悲嘯不少休或斲骸折肱或挈童戴白其強壯輒操戈鋌以來漸相逼余以所執玉如意擊之鬼卽敗退伏地搏顙云我等所以來皆兵火之後絕命喪軀者遺骸沈草莽無藏埋地願先生爲熟計之余試舉近壤某某所羣鬼輒不意爲舉長生塔院則粲然願往余卽呼令前去去至院中方與此翁坐話緣起廡以外嘈嘈如沸禁之不可有侍余側者緇袍角巾若世間典吏狀操

簿書白事云若類眾多法令難遏必分其州閭庶免蝸蟻  
矣余領之吏卽草禁約懸廡下沸聲迺息覺而異之平明  
余卽走東此翁備言前夢遂捐貲倡始勸募鳩工焉凡建  
塔二區直漁庵師塔之左右繞以長垣蔭以封樹廣收遠  
近遺骸之無主者及居民之喪無葬地者分別藏兩塔中  
工財無侵幽明以和嗟乎叔季以後掩骼埋胔之風不可  
復見矣吳越固多火葬危橋廢址散漫憫懼抑且干戈相  
尋枉亡載道青燐夜起衰草悲風何族何名莫窮端緒黎  
邱之飛魄空啼凶厲之崇壇不祀於斯時也有一開士爲  
擇吉壤覆藏而祝嘏之九原有知必共歡慶此疇昔之夜

所以見夢於余也耶則是役也以公師仁以廣錫類皆此  
翁之志不可以不記余故備書本末刻石塔傍使後來者  
觀覽焉

塔院捨券

順治五年立石九年續刻正書舊在塔院中今佚據簿錄載文

立捨券董帷儒向有本宅老貳房家人張安結欠本宅借  
本將鎮南長生寺旁筵四圩地二畝七分五釐平屋四間  
抵銀四十三兩至順治戊子仲春臨濟天倪老和尚法嗣  
此山禪師懇施此地爲天老和尚塔基并建普同塔本宅  
今將錢項地屋俱捨訖自他均利緇素咸安亦代爲故僕  
作福也況此地故僕得之長生寺僧復歸空門元稱至便

立此捨券存照

東至長生大樹 西至張家田地 南至張田董田

北至河

順治五年二月

日立

董帷儒

押○名上有印  
章帷儒二字

信士董雲襄今有筵四圩田七分坐落長生塔院前願捨  
爲放生池自後任憑開墾此照

東至長生樹 西至董田 南至張田 北至塔院

順治九年十一月

日捨

董雲襄

印

見捨丁文在

印

施

虎臣

押

三禪師骨塔題字

無年月正書在塔院中文已載祠墓

普同塔碣

無年月正書在塔院中文已載祠墓

張丹山潯錄塔院捨券碑在山門左旁天井牆內塔在  
韋馱法像東偏牆內地藏殿天井兩旁有塔亭兩座

重修雲興寺碑記

順治八年董漢策撰在北櫺外雲興寺  
文已全泐據笠翁內篇載文

潯水北奔入具區猶建瓴也其北者觸岸東折俛行數十  
里而後循軌順流以達五湖嘗試憑高睇之見其奔也如  
怒其伏也如阻其流也如兔脫檻而鋌走焉當其阻有古  
刹匯之寺影蔽溪流數里復見又試訪諸父兄曰此古雲  
興寺也宋元祐間創建至元末燬矣萬曆甲申宗伯公復  
捐資募眾信整飭舊規蓋六十餘年而後頽廢也夫寺自

宋至今方五百餘年耳幾經興廢其間風雨之所剝蝕兵火之所焚爍寒烟秋蟲之所棲宿不知凡幾而潯水北奔如昨昔故曰物之麗者輒有遷流大抵然也辛卯秋印翁叔復起而更新之不一月軒甍如刷倏已改觀往來稱歎謂此不止爲宗伯公誌不朽且爲元祐諸公誌不朽也于是寺僧明心者昌言曰寺有興廢率苦無恆產使有田足以給行腳則眾信所捐捨以葺堂院不難遂發願結千人緣立產爲贍僧計請記于予予嘉其志謂元祐諸賢倘計及此則寺當至今存夫物之蠹者壞極有事則趣于太平又大抵然也自今日以往倘有樂山水而遊如張志和棄



仕宦而遊如范少伯藉吏隱而遊如杜樊川者放舟具區  
泖然無際而憑眺之暇藉寺憩息南望潯水憶我潯中人  
有能重新此寺如今日則且與吳山越水同其春秋豈興  
廢所得限哉是爲記

重建張王廟碑記

順治十五年正書凡二石在南柵廣惠宮三清殿右壁據拓本載文

廣惠宮者起自北宋治平年在鎮則爲鄉約所奉道則爲  
張王廟或曰三清殿閣南渡至有明數百餘載其間  
葺輯概不勝記惟萬歷四十八年傾圯垂斃道士朱太和  
虔脩告飾中堂平涵朱公感之樂輸與董氏醵錢遂爾  
復興嗣後思宗十年迅雷暴雨烈火風捲一時殆盡誠異

事也而說者以爲外立

王天君火官位尊內設 張大帝水神體卑故各施明通  
雨火陡發然終屬無稽姑不具論特原思宗暨今二十餘  
載莫能復興住持沈允修腸日九迴與其徒隱瑜擊柳拖  
鍊誓必重建癸巳肇業丙申豎柱較之太和殆無以過于  
是士大夫及商賈咸憫其誠而樂爲助究以兵荒財盡戊  
戌尙未獲雋乃銓部 蘊公沈公者以宏慈普濟之德蠲  
蒼生于丁選一時權畧之惠佐萬年之香火牆垣殿宇率  
爾告就蒙其庇者雷止家祀戶頌已耶卽

三清若有藉云詩曰靡不有初鮮克有終諺云行百里者

半于九十皆言末路之難也然則允修不遇銓部繕其後  
雖如太和之值中堂創其始亦無益耳故廣惠之成當以  
銓部爲第一云

武林流寓道人張初龍潛閻氏撰

此上第一石

護法

金之俊

董印科

沈焯

朱岫

唐順

唐彥暉

莊允城

朱錫如

張中慮

張初龍

董靈預

董麟科

董衡

錢威

董渠成

董崢

董嶸

莊允堡

本鎮油坊典舖鹽木各行與諸善信名畱梁木不及

細載

領願 紀振源 楊心海 龐仲卿 姚懷宇 紀仁甫

于培之 陸允源 金湛文 張德甫 王楚三

蔣白雲 李建宇 沈成章 鈕孟爽 徐念卿 丁季源

錢雲岐 聞楚雲 滕憶梅 顧孟甫 李慕橋

袁振寰 蔣文生 陸澄源 金仰山 潘仁樓

金諫卿 毛瑞甫 沈駕甫 曹思竹 崔順甫

勸緣 朱文明 陸君祝 蔣冲宇 沈友梅 呂秀竹

盛敬橋 毛悅樓 陸瀛洲 方振宇 朱舜章

陸含章 鈕又文 袁耀甫 沈稚卿 姚錫卿

沈清宇 計友溪 倪愛溪 陸君宇 張蘭石 潘敬湖

張順溪 王奉吾 陸心宇 韓君茂

保副 貝仁宇 錢蘊先 金西潯 沈冲源 王周生

沈敬河 嚴體山 沈師啓 胡奉溪 張敬溪

張奉臺 鈕振山 李爾朴 李元貞 毛欽甫

朱思源 錢思山 凌采臣 沈仁甫

順治戊戌歲元月 吉旦本宮首道 紀錫元 沈允修等立

若隱道人屠士燕書

旌邑梓人湯元甫 鐫此上第 達甫 二石

按題名中朱响卽朱佑明董麟科卽董漢策

重修通利橋碑記年月未詳董漢策撰正書在南柵通利橋東墘華家街口額通利橋碑記五字

平列文已全泐據笠翁內篇載文

潯之南宋元時爲安吉州路設縣曰鄆至今衢砌井甃往往見于嘉應廟側有橋當其衝曰通利鄉人指爲華家橋云自宋元迄今千有餘歲中更興廢而里中長老乃重葺之或請記于予予曰嗟乎立乎今世以指宋元潯水湯湯固如昨昔矣其間城郭樓櫓雲薨鵲桷盛如連霞散如晨霧不知幾何也抑毋論是卽斯橋之左右古刹如南林長生者紺殿互十餘里縱廣約百畝滄梵相貝書<sub>去</sub>鐘寶鐸麗若繪續今且聲兆杳鬱沈爲荒原行行周道顧瞻太息賴二三耆宿拮据之餘僅存遺址而蟲蝕秦經苔侵蕭樹

一俯一仰感懷繼之則斯橋尚存幸也雖然凡利物者壽  
自利者天當日潯以內外金馬畫舸傳呼火城中得勢則  
驕失勢則妒惟私利是圖故兵燹威棱爲之浣濯獨斯橋  
也于朝涉則鄭車于焚脩則葦渡于避地則桃葉于行遊  
則烟艇不自言利人咸利之故歷數代而至今猶存且更  
新如昨昔矣今潯中萬家烟火往來目爲小都會乃至自  
燕秦而南者謂千里無與匹偶余願里中諸父兄學橋之  
鄭車爲卹寒學橋之葦渡爲指迷學其桃葉也烟艇也爲  
知幾與高蹈則將以橋之壽壽諸父兄又嘗考之載記當  
時有華府君者能行仁義凡里中利物之爲莫不爲則斯

橋名屬華氏殆其人歟又不知府君曾仕歟否歟仕則介  
宋元之間干戈方熾利物最難而不仕更難今去府君世  
遠矣其指畫幹辦焦心勞思不可得見而橋至今存暨佐  
助府君者贊歎肩勞漭塗襪刷不可得見而橋至今存其  
怨詈府君者擗揶揄唾眙笑罵不可得見而橋至今存  
嗟乎斯橋尚存幸也予小子敢不以貞珉壽之使千百年  
後頌諸父兄功與通利橋俱不朽

沈登瀛南潯備志據史志湖州南宋改安吉州元爲湖  
州路今日宋元時爲安吉州路甚不分晰又自秦設縣  
以來吾潯惟晉宋齊梁陳屬東遷前後皆屬烏程今日



設縣曰鄆此野老之荒談也至云朱元迄今千有餘歲則幾爲桃花源人矣華府君名文勝爲江州參軍故報國寺布施記稱華七府幹則固嘗出仕矣咸淳六年嘉應廟牒有父老華元實卽文勝之子是時文勝已卒宋猶未亾亦非介宋元間人也

禁革舉報堡長告示

康熙九年正書在西柵祇園寺文不錄

萬善庵碑記

康熙二十八年董漢策撰石舊在北柵萬善庵今佚據張志載文

潯北萬善庵始于明季啟禎年間有東明永遠兩比丘尼皈依弁峰瑞白禪師已久篤信向上募潯北隙地于旌節先慈願孺人遂建紺殿稍葺厨囹辛卯壬辰之交延陽

山松濟師住持二載未底厥績歲在癸巳潯鎮善信咸稱  
嘉禾保壽院常一大師道行高妙於是金表嬭嚴太夫人  
同先慈暨皇甫母周孺人具質信請師住萬善方丈師係  
普明二巖和尚法嗣寔臨濟宗二十九世幻也和尙之法  
孫也當是時先慈與嚴太夫人係中表妯娌皆信乾竺稱  
同志恆有事于靜修朝夕清齋若雁行焉以故善功無不  
舉舉必有成如萬善延請高禪其一端也人謂大師禪宗  
傑出必以拈頌棒喝爲事而師殊不然專脩淨土其儀軌  
略似雲棲而仍重參學以故遠近翕然歸之不數年堂宇  
宏敞金像煥赫復闢庵右第圃於是香積寮廊咸備經今

三十七年矣。淨之人若不知有大師住萬善方丈者，亦無募冊乞請在鄰近者。師殆所謂禪淨雙脩、堅持密行者歟。夫禪與淨固兩無礙，且兩相益也。今試拈一句稱名而直窮落處，則知識絕、思維斷，忽爾漆桶底脫得，大休歇然後水盡山窮，坐看雲起，彼落日金繩、寶林珠閣風聲鳥語，如影響現，則成就慧身不由他悟，是爲萬善具足。較諸莽蕩撥無者，相去不啻淵哉。以故出大師門下者，遵守斯旨，如首座持真、永雷等十餘人，皆成令器。今師年七十餘，以書抵余，請爲記。余追維先慈捨地敦請之遺志，今幸有成，不可不傳述也。於是乎書。

重修東藏禪寺碑記

康熙三十年正書在東藏寺毘羅殿庭左側據拓不載文

粵白碧瞳飛錫江東肇起於赤烏珠字傳經維下（送）基於  
白馬辟支佛現緣玉成臺舍利城標絳雲覆院當永明宣  
化之日正武肅射潮之秋由是於越仁祠鶩在山而若舞  
勾吳精舍猿就洞以如歸寺所由來爰云舊矣潯水東偏  
有東藏禪寺者地當江浙之交山集魚龍之座固茗水南  
來第一名藍也有明神宗時先大宗伯金門納履爲投老  
之臬夔蓮社揮犀乃閒情之蘇白適遇雲棲大師靈雨沾  
花比雁宕之智者慧雲燭日繼鑑峯之遠公始仁識夫鈴  
音便聲聞之契合旣一通乎玉札遂心地之皈依水乳交

融鍼磁互入侍中別院盡付光明都講家珍悉歸崇化更有華亭秩宗儒林祭酒方讀書於中祕已證真詮雖翔步於木天心參密諦林間支許咸聆屑玉之清言方外雷陳洵號斷金之元堦大檀越現宰官身而護筏豈見僧疵善知識依菩薩戒以建幢能調物性金闕獨揚宗教賜紫伽黎璇宮請設師容演青蓮果紅樓鬱起俱盡地以布金紺塔高凌復從空而砌玉手植庭前槐樹枝似青銅風來閣上鯨鐘聲作元鐵泊乎尚書折簡特叩微言大士飛牋親宣奧旨現三身而閱世侶乎世有去來設七處以徵心實則心無生死遂使無知木石亦證虛靈甚而障法波旬皆

爲外護香靄鴿王之令功雖欠於合尖玲瓏鶯子之軒德  
已幾乎配昊覽千年之海水方觀一清延百禩之真風已  
更三葉心嘗薄乎吐鳳夢每愜乎懷蛟何人敢檄北山有  
願棲真西土於戊辰清和之月際康熙廿七之年策敬踵  
前徵事開新範因考蓮祖於五世特延具空之法師爰諷  
貝葉於三年實建大悲之懺法矢志霞衣塔護智慧重輝  
齋心寶樹燈然沉迷立救主東林之繼席又覩花開必鉢  
之枝新遠祖之華幢重聞烏轉菴羅之樹將見三千蠅子  
悉曉聽經五百魚兒咸能悅性則百旬止觀雷爲有漏之  
因千夜槌空便結無生之果於是鉞諸紫篆勒彼青珉後

猊蹲無量之碑使繡蟠於薊藟鼯鼠架頭陀之碣看織紉於吳蠶

里人董漢策撰文

董穀士書丹

同里殷 阜題額

康熙三十年歲次辛未四月八日建

此下有里人及沙門題名木寺田地畝數

檀越助資眾姓並不錄

放生河題字

無年月正書在東藏寺山門旁

極樂庵西偏畱嬰堂碑記

年月未詳董漢策撰石在極樂庵文已全泐據董志載文

王道無私靡不覆載天喬蛸蠨尚涵煦之何況嬰孩之甫

離母懷亟須保抱哉昔

世祖章皇帝誕敷親仁既已恩浹四海嘗

諭侍臣申禁溺女於是京畿之樂善者建育嬰堂分命阿保專以收養棄孩爲務於中每月放生兼惜字紙月之八日士大夫畢集觀斯勝舉者輒隨量喜捨福利日崇愚魯躬與良會慨然思古之仁覆天下者幼孤長扶禁槎蘗畜鯤鰭太和在宇宙間上動飛鳥下亂沈登瀛按疑躍字淵魚如是

其廣大也諸省直皆遵行已久吾潯彈丸地耳既不能附省郡行大利益又不能獨狃寬廣屋舍以容乳嫗良足太息幸里中善信十餘友與沈子匡夏捐資建三楹于極樂



庵之西偏以集同志倣吳門現行條例廣收棄孩載送吳門之育嬰堂費省而功宏其利溥矣愚於是願請益焉一日廣募助凡建善功必集羣力若使先期募資儲以有待則任事者無匱乏之虞爲善必力矣一日廣勸修善政豈止育嬰兒民之疾痛無告者婚喪莫辦者患難莫救者二三同志月中會集茗接清談挑剔善事設勝沈登瀛按疑法字方便次第行之則仁施洋溢庸詎知非王道之一助哉孔子曰吾觀於鄉而知王道之易易也願與同人共勉焉是爲

記

按文中亂字勝字並不誤沈氏備志所校非也

積善庵刻石

康熙四十一年正書舊在積善庵今在磧沙寺殿後庭左壁據拓本載文

江南徽州府休甯縣信士弟子黃祥喜助街沿一帶崇祈  
早生長命之子諸謀遂意闔家迪吉福有攸歸

康熙四十一年孟冬月立

重修祇園寺碑

康熙五十三年正書在祇園寺據拓本載文

潯溪之祇園寺勅建于蕭梁關乎一鎮風水而潯亦漸成  
一大聚會歷唐宋元明圯而復興凡當道入境蒞任者例  
於斯接晉紳耆老訪土俗民風寺固必不可傾圯者也順  
治初分兵于潯越五年而移寓祇園戎馬蹂躪僧眾散盡  
荒穢不堪歷有歲年有東隱和尚過此矢願修葺賴寺隣  
隋雲卿勸分三載而不得興工屢呼將伯于□□□□□□

守又適地方有修塘建橋之役徘徊久之然東隱之誠不可□□□一旃檀會得友二十人各先輸三金爲首隨眾勸募不踰年而堂殿告成榱桷改觀予固與會友悉心經理是藉諸善信樂輸之力也工旣竣恐善信姓氏湮沒爰命工勒石以垂不朽并工料附焉夫東隱之始而不得興工也眾咸以緇流與僧徒雜處無別或指舊務可安伍或置附近□遷營□□□□□捨而卒無成功豈其間亦有或使之或尼之者耶則夫遷徙營房爲□闕第一善事予固以暮年重聽有志未逮端有望于將來之大護法者其收銀三百三十二兩三錢一分零其用過銀三百

四十二兩四錢七分零開列如左

此後有捐施善信  
題名銀數及工料

價目並  
不錄

大清康熙五十三年歲次甲午八月 日里人丁有源捐

貲刻識

按碑以寺爲蕭梁勅建較貞觀勅建之說尤妄

廣惠宮碑記

康熙六十年行書在廣惠宮未拓據淳錄載

靜涵道師持法於潯南廣惠宮一日者錄其歷來碑志哀  
次成帙屬予曰此先師墜言願有記也按宋治平間建靈  
濟張王廟卽祠山大帝行宮中爲三清殿後爲東嶽殿此  
廣惠宮之緣起也由南渡以迄元明壞成不一萬歷四十

八年起其廢于灌莽中蔚爲寶坊者住持朱太和締構之  
朱董兩巨家攸助之此廣惠宮之中興也崇禎十年暴風  
迅雷一燬而盡附會其說者謂雷部與水部雨火激射亦  
荒誕而不經遷延至

本朝順治十五年方得重建頓復舊觀謀始則住持之沈  
允修落成則里紳沈銓部此廣惠宮之再興也殿東北隅  
創爲彌羅寶閣廣袤五丈有奇高三丈有四尺上奉昊天  
至尊中供昭明斗姥梵籙迴帶寶相莊嚴縹緲飛霞彤髹  
眩明則住持沈允修與靜涵師募不辭勞徵君董帷儒暨  
諸善信樂輸廣勸厥功偉焉此廣惠宮之大成也予不禁

喟然歎曰凡事之興廢豈不以人哉彼王侯第宅千門萬戶無幾何時而高臺傾曲池平矣方外羽流守此十笏地卒能故者復新隘者漸廓發宏誓願積黍成邛人之所關良非淺鮮昌黎有云莫爲之前雖美勿彰莫爲之後雖盛勿傳其靜涵師徒之謂歟雖然有天意存焉不可謂非神之靈也嘗攷稗史載祠山遺事云帝姓張名棟生而神奇將引茗書二溪之水通至廣德身變豬龍掀泥掉石被家人窺見遂不果後成祠山之神夫六十里之水路未通帝之所遺憾也江鄉山谷香火繁盛潯溪一鎮祀事綵長何莫非帝之所式憑也又況亦臨亦侏斗閣崇隆天人感召

之徵在呼吸間乎予故爲述其源流而系以銘銘曰碧潯  
深洄毓地靈街市合沓闔闔盈祠山廟貌垂千齡彌羅寶  
閣新崢嶸琅函紫笈金光騰鳳幡月駕凌蒼溟赤玉龍書  
呵百神周元初後傳雲初天樞掌奏廣惠尊宮名恰合如  
師承元宗法派出青城紺琳永護人天驚翠巘有石潤且  
貞磨礪鉤畫鐫斯銘

康熙六十年歲次辛丑文選司郎中清溪談九乾揆知德  
清縣事錫山徐珽書廣惠宮住持周道昱勒石

按石嵌府城隍殿左壁爲侍從塑像所隔未能椎拓

禁除錮弊告示

康熙六十年正書在祇園寺額題奉憲飭  
禁腳夫分坊勒索碑十一字文不錄

義塚碑

年月無攷在簾里義塚地文已全泐

一線泉題字

無年月正書在西柵祇園寺後

姚允修生壙志

無年月在南柵萬古橋西額正書太學姚允修先生生壙志五行行二字志文未刻

重修嘉應廟碑記

雍正三年夏光遠撰石舊在嘉應廟今佚據董志載文

考之祀典凡有功于民社者則祀之故村鎮之有土地猶郡邑之有城隍也雖在窮鄉僻壤一隅之地方井之中必奉一神焉以爲福國佑民之主況于日中爲市烟火萬家較于郡則不足較于邑則有餘者乎崔李二神嘗捍禦巨寇出金錢粟米以活潯人一時之飢饉者得以蘇困故其歿也建祠以祀之錫其廟曰嘉應尊其號曰明王吾潯之



民社于是乎寄所謂土地者寔昉于此自宋以後其廟之  
圯而復葺者碑碣無存莫可深考前嘉靖壬辰予六世祖  
朝端公捐貲闢地合鄉之紳士而力新之讀其所刻石猶  
可想見其規模焉數百年來風雨剝落金粉零星雖香火  
依然禱祀如故而廟貌之不堪已甚夫民社之所存而神  
不得妥閭閻之責也祖宗之所舉而後不加修子孫之過  
也余嘗履其地而歛歔者久之謂得有人焉起而任募建  
之勞以冀重新之日斯亦幸矣歲癸丑僧人三默來主是  
祠慨然以修祠爲請予因手冊而興歎曰嗚呼其崔李二  
神之靈之默有以相之也乃如是乎潯之人無不以二神

爲底當無不以二神爲心者予因知斯役之有成也經營  
伊始吾鄉之相勸樂輸者莫不歡欣鼓舞如給惟正之供  
不二年間向之所謂風雨剝落者今則堅牢而固緻矣向  
之所謂金粉零星者今則軒翔而華彩矣其峙于左者則  
有藥王殿其輔于右者則有五路祠洵哉爲一方之保障  
乎落成之日將以紳士商民所捐助者勒其名于石垂諸  
不朽因請予爲記予不獲辭爲敘其畧如是後有來者庶  
知民社之功不可沒而予所志焉未逮者寔藉諸君子之  
有以助我云雍正三年夏四月記

飭定牙稅統征分解告示

雍正十年正書在廣惠宮戲臺  
下文不錄

周道昱贈言刻石

雍正十一年舊在廣惠宮今佚據張丹山淳溪棹歌注載文

禱雨贈言

江都唐紹祖

周子靜涵生本儒流去爲羽客形骸成削寒流石上之松  
狀貌清奇秋月池邊之鶴闡揚衆妙宗五千道德之言驅  
策羣神服十二靈飛之事惟是誓心以濟世故不晦跡以  
沽名凡遇癘疫災荒厭禳祈禱如明鏡出匣展卽形呈似  
洪鐘在懸叩而響答而且出其餘緒著爲篇章麗句清辭  
坐曹唐于北面偷聲減字立張羽于下風此則翰苑爭推  
文場交譽者矣茲者吳興之地亢旱爲災職忝承流心懷  
憂惕爰延絳節用告蒼穹登壇而玉女披衣奏籙而金烏

掩彩風聲入樹頭聞管輅之占雨點隨車立應樂巴之喫  
可不謂盡脩真之能事得持斗之祕術也哉於其歸也句  
以贈之

仙根不信自蓬瀛請看形神比鶴清曾向崆峒傳道訣其  
知句曲有詞名魚龍白晝聞琴舞雷雨青天聽令行曾見  
方瞳徵壽相何須人報束蒼生

昱 木山人團瓢守拙歲癸丑六月湖屬苦旱郡侯唐公  
暨各當事爲民禱雨召昱登壇實惟眾籲之誠致沐甘  
霖之沛謬蒙獎賚愈切慚惶謹勒感思以志不朽時

雍正癸丑九月廣惠宮道人周衍昱恭紀

贈靜涵周鍊師

樵李王泓

汝南周子神仙客九天謫下靈秀窟家住潯川廣惠宮身  
通太乙陰符術狀貌清奇迥不凡秋水精神野鶴骨羽禪  
星冠嚴束裝琅函玉笈勤披閱有時驅神遣六丁妖魔魑  
魅潛逃匿從教口內喫成蜂還向雲端梯取月家法立初  
一脈傳況復顛仙狡獪極生平習靜大名垂鎮日補閒新  
句得儷青門白更填詞不數柳歐香艷墨往返清溪酬唱  
多流響遙分茗雪側茗雪今年患旱魃三伏炎蒸火旂赤  
山原高壠苗欲枯車戽良農力幾竭賴有同城賢使君蒿  
目焦思倍切切憑空高築斗罡壇延請仙真祈雨澤升壇

旋施靈錄祕風印羽符持斗訣羽步踰蹊用告虔天曹次第勤供職須臾膚寸起層雲黯黯濃陰幕六合驚人阿香鼓數聲過眼金蛇光一抹便覺甘澍早沛然點滴飛揚到車轍感君綠章得奏功令我羽扇多生色今君辭歸洞府去長伴烟霞并泉石應知真素善韻藏更羨詩文足怡悅古人贈處恆以言我詩贈君兼惜別他時挂冠容訪君長生願乞丹砂粒

重建通利橋碑

乾隆四年正書在華家橋東塊未拓據鈔本載文

竊聞善事必勒碑以誌者示不忘也曷示乎不忘一以著前賢之能創一以鼓後哲之能興凡事且然而橋梁尤甚

如吾里之通利橋考厥遺碑元副帥許公明成化間重脩  
名曰通利蓋取大易利有攸往之義迄于今已二百七十  
餘年歲久傾圯行者趑趄己未秋吉日起工八月吉日告  
竣皆同里中諸君好善捐資同心協力以故易而成成而  
速也非敢誇張竊效前人鐫名于石以示不忘云爾

此下善姓

題名不錄

乾隆四年歲次己未九月 穀旦立

北迴橋碑記

乾隆九年石在雲興寺文已全泐據淳錄載

距南潯鎮之北三里有橋曰北迴蓋以河流太激築此以  
束其勢使之迂迴而不迫故名其創自何人與始建歲月

俱無考或云蓋明嘉靖間董宗伯份實創建之乾隆二年冬橋圯圯五六年未克修步者不便而水奔衝直下舟行者怯焉蓋南潯之鎮市井闐閤人民之富蕃百貨旁午號稱都會而北柵爲最於是其紳士吳君繼成張君文光元榮董君某等輒慨然各捐己貲以爲士民先又承士民之好義者俾各視力厚薄以爲之助橋成高二丈八尺長九丈六尺用銀七百兩有奇以乾隆八年之二月始作而以明年之八月告成由是不病涉水不病衝凡南北往來之人無遠近胥蒙其利焉蓋古者道路橋梁皆各置官以專司其事故九月除道十月成梁如春耕秋斂歲有定規



至期則趨事赴功天下盡然是以道無不可行而川無不  
梁也其後先王之教既廢一切皆浸弛不治世之人安常  
習故取便目前又或以爲眾人公共之事而焉用一己之  
汲汲爲也噫彼浮屠廟院之興廢更復何與人事而崇奉  
其教者輒爲之經營措置雖重勞且費不惜焉如移彼之  
所以勞且費者而用之於此則人無不可濟物無不可利  
矣彼之空孰若此之實舍其實而求之空其亦不思也歟  
然則如數君者其識爲不可及矣先是徐君行達方謀修  
復未及興工以卒其子祖彬欲有以繼父志而未果屬張  
吳諸君捐資率先並悉力以爲之贊襄而其橋以成嗟乎

人患不爲耳爲之豈有不可成者彼挾其雄貫厚力坐觀成敗而漠然不一動於其中者是誠何心哉是誠何心哉於其成也書其爲之年月與其名氏以示後之人使得有考焉乾隆甲子茶月歸安具茨山人茅星來謹撰

按今雲興寺庭中橫臥二碑皆漫漶無一字其一當爲雲興寺碑其一當卽此記寺僧云尚有一碑已砌入佛座下不知何碑也

重建沐鳳橋碑記

乾隆十一年正書在西柵沐鳳橋未拓據鈔本載文

淳西沐鳳橋在垂虹橋之西南距鳳凰池不數武昔人以池名橋誌古蹟也與垂虹均創自漢代歷唐宋而至本

朝建脩不一載在邑乘由來舊矣垂虹跨荻塘之正流沐  
風疏茗溪之支派人民絡繹負販驅馳寔百物之通衢爲  
四民之要道也橋內向因淤塞去春里中好義者捐資開  
濬舟楫稱便焉顧橋圍石欹仄往來者咸有戒心僉議重  
建因鳩工伐石撤而新之址仍其舊工堅于初其規制亦  
較舊加宏壯工既竣復以餘資補葺垂虹尾塢兩橋屹然  
行旅相慶經始于乙丑年季冬落成于丙寅年仲夏凡茲  
工費均出善信樂施爰勒石以誌其姓氏而捐資濬河者  
亦得附載于後以並垂不朽云爾

此下捐資  
姓名不錄

此碑寄砌于周宅牆垣西面立碑工料併吃用一兩四

錢碑已刻就外加碑銀一兩酒資一錢鐫碑供繕五錢  
所餘舊石數段補修鳴鳳橋東首官路訖造橋工料出  
入里人紀宿華屠聲聞互相經手并同里眾公屈大士  
庵省幻師叩柳月餘鹿門紀再思宿華甫書

乾隆十一年歲次丙寅五月

按碑謂垂虹沐鳳二橋創于漢代荒渺無據

重建隨糧王廟碑

乾隆十一年正書在東柵總管堂據拓本載文

書云丹雘意取維新雅咏竹苞志存縣遠潯東

勅封隨糧王廟上既護國下復庇民辛酉歲眾慮年遠就  
傾遂因募資重建未能壯麗聊異茅茹顧目前雖免飄搖

而他日當爲久計殷後僅有薄田貳畝門旁祇餘店屋兩  
間租息無幾正供難繼于焉共襄小會相與各捐一金生  
息則慎擇輪流 神誕必應期恭祝凡我同志務期矢慎  
矢公願彼後賢尤當有終有始計除實用謹錄存餘間有  
工脩稍資補湊並非利其利不過公濟公庶神光永照慶  
聖壽于無疆俊氣長瑩幸宮牆之鞏固同人姓字序勒  
于茲

此下題  
名不錄

龍飛乾隆十一年歲次丙寅桂月

穀旦立

立願經始董啟偉 勸成沈啟麟

華萬九塢 金載陽書 王西溱刊

署通判吳繼元去思碑

乾隆十三年正書在通判署大堂庭側未拓據鈔本載文

署浙湖鹽漕水利南潯督捕總巡分府吳大老爺去思碑  
公諱繼元字季亭江南通州如皋縣籍乾隆辛酉科舉人  
於乾隆十二年十月到任於十三年七月初一日卹事在  
任教民愛人治行卓然卹事之日衿民攀援莫逮追思公  
德敬立此碑

大清乾隆十三年七月

日穀旦潯鎮紳衿士民 陸

可成 溫文煜 陳成 吳繼成 陸紹儒 張世杰

陳昭 金渭 張元燦 紀復亨 徐祖彬 馮學

深 邢廷金 紀廷輝 倪廷林 計士枚 莊學川

董小坡 張維垣 董□ 金樸 陸濂 吳巖

凌錦 丁麟 蔣大潮 徐德元 敬立

沈宗壽書洛神賦刻石 乾隆三十二年正書石藏東柵朱應垣家文不錄

東藏寺造像碑刻 乾隆四十七年正書在東藏寺大悲殿右壁據拓本載文

本鎮護法張潤之敬裝 大士金相一尊并助 龍庭萬

年寶座方磚一堂

乾隆四十七年六月 敬立

真武井題字 乾隆五十八年正書在善寂庵文已見河渠

重建通津橋記 嘉慶三年正書在通判署頭門外左壁據拓本載文

中南溇而跨運河者有通津橋焉癸丑年余莅任茲土橋

漸北行者苦之且運河轉漕者也余職司水利儼糧艘通  
津梁與有責焉初下車顧斯橋而有志新之憚輕舉今年  
春公庭事簡屬紳士者民而詢之皆曰可願爲勸捐一時  
捐者恐後多寡有差不踰旬而數具乃召工而度之高二  
丈七尺六寸視舊增三尺廣四丈八尺環延八丈俱如故  
趾故有四礮復釐而正之估料二千兩估工六千工權造  
浮橋木價五十兩疊運山石舟價七十兩巡視工作食費  
一百六十兩限以程期三月而竣余始恐橋之艱於重建  
也賴紳士者民勇躍勸捐而好善樂施者又爭先恐後遂  
使艱者亦易凡橋之宜重建者視此焉可矣余何幸而得



遂此志於壽之士民耶秋九月會余將入

覲爰舉紳耆姓氏暨好善樂施之人畧勒之於石余不敢

攘善也余惟計工料程度而一一誌之俾後此興工作者

有所攷核云

湖州府通判陞任台州府同知時敝按并書

董事

邢鴻

毛壩

吳作謀

丁鳴鈞

金大鯤

華行時

韓峻

郭楠

龐顥

陸大椿

諸魯全

孫秉宗

邱文岳

歸鸞

桂士臨

吳耀德

溫國標

盛士松

張應元

溫宸

蔣大治

嘉慶三年九月

日立

按碑題時敝按并書實則里人邢典撰邢鴻書

再申例禁告示

嘉慶五年正書在通判署頭門外右壁額篆書奉各憲嚴禁輕課舊貨不得越賣重

地碑記十七字文不錄

永禁私宰耕牛告示

嘉慶二十三年正書在祇園寺文不錄

錢濬壽詩刻石

無年月石藏南柵錢樹森家文不錄

按首題延年益壽四篆字潘奕雋書高封詩八分書

吳之劍詞王以銜閔偉詩並正書錢臻詩行書濬字

升九號怡齋監生五品職銜時在道光壬午年七十

汪尚仁墓誌銘

道光六年蔡之定撰趙柄正書并篆蓋凡四石在拜三圩汪氏祠堂文不錄

按先大父字惇夫號靜圃貢生候選主事居府城卒

于嘉慶庚申葬城西郎村蒲衣山至道光丙戌先大

母合葬始撰誌銘爲刻工遲誤未及納入壙中石置

墳莊後移置祠堂

范志碑碣附列墓誌大半墓不在

載而石多無攷今凡墓誌未出上者並不載惟此誌未入壙而石在潯仍載之又舊志有朱國禎修東塘記碑不在潯曹大斌漏澤園記誤以版榜爲石刻今皆別載附辨于此

重修南潯鎮東藏禪寺記

道光十年正書凡二石在東藏寺據拓本載文

環鎮五六里竈烟數萬家其中香林梵刹不下四五十區

求其規模宏遠讚頌精嚴率以東藏禪寺爲稱首寺不知

所昉在烏程縣東七十二里相傳明嘉靖間里大家董氏

爲之綜覈賴以不替殿前櫨珠一本猶蓮池手植自文字

散亡碑碣漸滅莫能是正也

國朝康熙中眾紳士敦善樂誠興作之餘兼行施樁則吾  
先伯祖悔脩先生實司厥舉至今佛座勒名可攷余年十  
五六時值薪公自遠卓錫暨徙禹公戮力支梧俾毘盧閣  
暨大殿觀音殿燬而更新尚憶歲首瞻禮薪公必設果餌  
雪頂龐麋儼然尊宿其後遞相遵守不增不減僅遺香鐙  
田五畝二分達公之師東公續置田四畝六分充淨供而  
已洎乎嘉慶改元今竹峰達公拂衣雙樹仔肩大法禹公  
僧臘旣高西首之際嘗詔之曰薪禪師一生功德而貞珉  
不曜此未了之業爾其誌之則應曰唯旣而達公此上第一石  
戒行苦嚴日益精進遠近向風慕道雲行水至舍粟布金

委輸恐後由是改山門於舊址南數十步廡東新屋十餘楹徑術築立繚牆完固肇作於嘉慶某年月日落成於道光某年月日崇像設做法筵潔齋漏通井堰斲木塗金百廢具舉計用人若干工用貲若干兩爾迺龍象琳宮化現涌出緇素之侶鑒其精誠既立方丈遂興道場每歲栖流挂單禮足者以萬計達公心懲往闕追念前塵介溫君稼生踵門乞言以書諸碣余以不文辭兩年於茲復申前請夫周禮遺人廬有飲食路室候館準是以求則吾儒經濟淪在叢林豈可數典而忘其祖譬諸泰西天算華嚴字母聖門六藝散於四裔苟緣達公之用心推而放諸蠻序將

烏程義學有五其一在潯者雖至今存可也然則昭往蹟

以厲方來殊塗同歸不爲無補允宜濡豪牽連舊事以傳

久遠道光十年正月里人張鑑記吳江吳鳴鏘書

此上第二石

東藏寺重修山門記

道光十一年正書在東藏寺天王殿壁據拓本載文

本寺住持於戊子秋捐益資改建山門募諸大護法敬

塑彌勒尊佛護世四王菩薩金相并萬年石座所有

樂輸銀數肅泐芳銜以垂不朽

此下捐資姓名不錄

道光十一年四月東藏寺監院悟銓敬識

按詮字誤刻銓字

南潯重修東塘碑記

道光十二年正書在巡檢司署頭門外右壁額篆書南潯重修東塘碑記

八字據拓本載文

里人張鑑撰文 仁和宋烜書丹 錢塘趙之琛篆額

南潯接郡之東關爲運河七十里名曰東塘斯堤之創於前明萬曆三十六年郡守陳公名幼學之始築也歷有年所歲久遂漸侵剝案志乘并舊碑紀其如是豈古人善政之所施精誠之所寄各有不同故其傳於後有顯晦久暫之分哉壬辰春邑侯楊公名紹寔奉 檄勸修圩岸爰及東塘迤西三十里郡城紳士任之迤東四十里工歸之潯鎮內潘楊橋一帶夾塘料實工堅估計籌畫侯皆盡力條理焉先是辛卯夏恆雨爲災 當事具

奏蒙

聖恩蠲賑並行稍舒佃民積困維時天嚴寒我侯獨任其事稍暇時與鎮士夫飲酒賦詩得潯水聯吟若干篇所言皆勸分謀諸紳士耆老以工作賑侯力主其議凡三日捐集八千餘緡復委任參軍胡公培荃巡司胡公次畊汎守陳公遇春再勸而推廣之議脩東塘鎮人疑之以爲東塘之工應屬沿塘鄉庄非鎮人事侯謂勸分以救災也被災以圩岸之不脩也鎮旣募義捐有成數矣乃視被災區以爲非吾圩岸也而聽之不脩浸假而災又至而勸吾捐者又來而負吾租者且益以肆士民受累伊于胡底是以救災不如禦災之爲愈也于是眾議息而程工定職事者咸



勉力焉自鎮之西柵起至十里橋舊係土隄改築塊石塘  
計一千三百丈潘楊橋條石夾塘計一百七十五丈橋西  
添築六丈皆完固中間坍沒范村集木月影黃明等橋皆  
建復經始于三月甲子工成五月乙亥資費萬金附鎮另  
工不與焉是役也郡紳士鳩工在先暨而鎮人繼之通隄  
之工始竟陳公之故蹟始新從此通驛遞利漕運衛農田  
獲水利而皆得之荒政此我侯之德溥生民古之循吏何  
多讓哉勒於貞石以傳不朽辭曰

陳公出守 著蹟吳興 隄經水患 浸沒田塍

計年二百 計里七十 碑則未泯 堤且增置

是歲有儉而民無飢以工作賑乃新斯隄  
斯隄永固此水常清前陳後楊周道砥平  
大清道光十二年太歲在壬辰夏六月朔日

職事沈鳴珂 俞亦彬 溫思恩 吳謙 郁榮

之 張衡舟 張丙奎 朱立楷 陸樹玉

張永海 錢維鏞 梁鉉 張墀 姚錫

章 邱學海 孫鈺 沈登瀛 勒石 武林

陳纘思刻

重建南潯巡政廳治記 道光十三年正書在巡檢司署大堂左壁據拓本載文

巡司之有署也昉於前明洪武年間在後潘村建設迨

國朝乾隆四年移駐南潯鎮析津何公廷舉詳請創建衙署卽改爲南潯司百有餘年未經葺理日就傾頽前儀徵朱公應豹曾借廉繕脩至嘉慶己卯富平張公鳳來脩建三堂花廳神祠頭門嗣以被水摧圯余於道光辛卯歲來蒞茲土續增整葺並添建三堂二間需資壹百餘金惟大堂久閱星霜未加脩治不足以蔽風雨而壯觀瞻用是詳請捐廉鳩工庀材亟爲興築復增設川堂並二門左右兩廊於今癸巳年八月初七日經始至十月初六日落成計用銀肆百兩有奇雖規制如故而崇飾增新余於此亦殫志經營焉耳是爲記

道光十有三年歲次癸巳一陽月吉旦

西蜀宜賓胡次咼謹立 平望周龍紀錢

烝字五圩社廟記

道光十三年正書在西莊村小圩五聖堂據拓本載文

世傳葬將能驅蝗而居易錄直以爲朱金壇劉宰漫堂者豈不以神之所格不可度不可射乎不知人之是不必較苟有所以禦災捍患則無不同也烝字五圩爲烏程四十三都震澤下鄉圩有叢祠頗著靈爽禱無不應春秋報賽靡有虛日相傳神有封號非汝南鮑魚李核可比道光癸巳冬紳士周士堅等因耆老之請謁文於邑人張鑑將誌歲月於石乃爲神弦之曲著其土風焉詞曰

傳芭代舞兮神林幽篁災祲無害兮稼穡不痒神之來兮  
黍潔稟香神之歸兮塗車芻航神聽和平兮民用樂康

是年十一月

里人

金大鯉  
談治邦

孫鉦  
周士堅

立石

始緣信士翼天福

按秋水文叢載此文因耆老之請句下有以布施金  
錢拓祠宇而新之十一字乃篇中要語書丹者妄刪  
之則下文誌歲月句上無所承矣此本五聖廟文乃  
託言莽將今攷惠棟九曜齋筆記云羅鶴應庵任隨  
意錄曰五顯事蹟無從覈實獨胡定庵謂五行主宰  
之神而盡廢習傳諸說天下祀之者甚多我太祖建

廟雞鳴山隸于太常故紀定庵之論以俟攷其說曰  
本朝神祠見會要姓氏皆可攷惟此獨無姓氏何耶  
升曰莫之爲而爲者鬼神也周禮小宗伯兆五帝於  
四郊漢儀祠五祀朝明堂圖五方帝位于昊天之神  
從之以五人帝五官神皆五行真氣也蓋五行爲天  
地間至大之物必有主宰者故曰元囂曰祝融曰句  
芒曰蓐收曰后土皆指水火金木土而言若五神豈  
非默助五行之造化以福生民乎或者以五聖爲五  
通非也蓋本朝政和元年正月詔毀五通及石將軍  
如妃淫祠至宣和五年適有通貺等侯之封前後十

餘年黜彼之邪崇此之正昭然甚明尚可得而並論  
之乎亦緣鄉曲前輩偶傳會佛有六通弟子五通之  
說以啟後人之疑耳迪功郎國史實錄院編校文字  
胡升書按筆記鈔本多脫誤無從校正姑依原文又祝穆方輿勝覽曰五  
通廟在徽州婺源縣乃祖廟兄弟凡五人本姓蕭每  
歲四月八日來朝禮者四方雲集然則五聖尚在莽  
將之前亦非無可攷也

重修城隍廟後軒記

道光十六年正書在南柵城隍廟未拓據鈔本載文

吾潯之祠祀

城隍神也自

國初時始門殿寢廡規制畧備其後有軒

三楹臨水北向顏曰岸舫實爲朱翁典夔袁翁賡颺諸公所建事在乾隆戊申迄今已五十年矣岸石櫟題漸就傾圯風雨不蔽勢及寢殿于是前此與事之家約其同志以期鼎新率由舊例各捐已資衰木石鳩徒眾闕則補之泐則易之漫漶黝昧則丹雘之凡閱若干月糜白金若干兩而軒之舊觀以復工旣訖朱翁之孫瑞文承司事者之意屬予爲之記予惟是軒雖若無口於 神明而兆春秋之祀事士女之瞻仰與夫荅 神貺者之奔走賽會僉以是爲休憩之所于以尊廟庭而肅觀瞻則今之所以踵前功而增脩之者其事不爲然也而豈惟是備遊觀已哉舊無



碑記故司事捐資之人俱不詳姓氏今並與重脩者列之

于左俾後之人有所考焉謹記

此下有故友眾姓士及同業眾姓士立碑題名不錄

大清道光十六年歲次丙申冬小春月里人眾姓敬立

丁桂揆 馮尚達書

重修羅祖祠碑記

道光十八年正書在報國寺西羅祖殿文不錄

重修聚星塔記

道光十九年正書在東藏寺塔壁據拓本載文

南潯之爲鎮始南宋理宗淳祐之末前此猶未著焉古烏程邊境東至平望自太平興國三年割潯溪以東五十里之地隸平江軍吳江縣於是潯始爲湖州東出之門戶旣爲要地商賈于此輻輳人物亦于此殷繁漸設稅務置官

守而南潯片土遂屹然成下鎮顧地勢稍平行旣無邱陵  
以爲鎮壓又乏湖匯以爲瀦蓄運河貫其中一瀉無餘論  
者以爲洩氣太重此前明嘉靖時董大宗伯所以建浮圖  
于東藏寺前非特爲一鎮壯觀實爲一府水口計也第基  
址建而工中輟故俗以半塔目之迨國朝康熙中其元  
孫芝筠徵君重修寺宇并爲塙合尖以其規制未備故名  
曰聚星閣迄今百五十餘年矣風雨之所剝蝕霜雪之所  
侵凌日損月壞直有傾圯之慮巡檢宜賓胡公次耕見之  
曰是入境者觀瞻所係此而不修焉用守土者爲是時虞  
部溫君文禾適以假歸里爰與寺僧達曾商之分請董事

各展其力又得通判漢軍陳公天瑞把總錢塘陳公遇春  
先後勸捐相助爲理其事始集於是鳩工庀材經始於丁  
酉季春竣功於己亥孟夏費白金千五百有奇凡土木之  
工三分居其二丹漆塑像鐫字及架木石工十五分之二  
鐵冶之工十之一雜費亦如之其下層三丈則仍其舊其  
上層五十五尺皆易以新材雖未能上出層霄爲四方表  
識而亭亭卓立于埵之規制略具遂稱之爲聚星塔今而  
後東境偏隅得有關鎖爲吾鎮奠滿流卽爲合郡固門戶  
其有關風水豈淺鮮哉埵旣成寺僧請書其事于石以垂  
永久余謂是役也諸君之協力與寺僧之宣勞皆不可以

不書應與捐貲者姓名並刊諸石故不辭而爲之記

道光十有九年歲次己亥四月里人沈登瀛撰溫文銓書  
吳門陳錫祉鐫

司事姓名附書於後

生員紀榮炳 例贈奉直大夫工部虞衡司主事生員

溫梅辛酉拔貢甲子副榜候選復設教諭張鑑監生俞

彬候選縣丞張永海監生盛士松職員蔣坦戊寅舉人

授職翰林院典簿馮鳴盛 恩貢生候選復設教諭董

桐儀監生朱型監生吳兆澂監生張墀文學朱潔候選

州同知張大年辛卯舉人揀選知縣董榮椿生員沈登

瀛

住持達曾 悟詮 本善全立石 塔工姚玉輝

禁油車僱工把持索詐告示

咸豐七年正月書在嘉應廟牛王殿文不錄

補遺

嚴禁阻葬告示

嘉慶七年正書在師善堂內額題奉憲嚴禁阻葬案據碑記十字文不錄

禁阻葬火化告示

嘉慶九年正書在師善堂內額題奉憲永禁四字文不錄

五聖堂善信助錢題名刻石

道光二十二年正書在小坪五聖堂神座右側文不錄

著述一

南潯鎮志廿九

汪曰楨撰

宋

朱枏

見進士表

厚德遺言一卷

寫本存。枏及弟材同編裔孫國禎重錄有跋又有福唐葉向

高跋吳道南莊天合周如砥題辭

元

龐樸

見人物傳

五湖狂叟集

未見

張士諒

見人物傳

思賢齋詞

未見

董仁壽

見人物傳

梅花詩一卷

佚。吹景集云始祖仁壽公自梅林遷潯上惟喜吟詠曾和中

峯梅花詩百首

嘉靖中毀於火

按舊志首載董一麟五經韻聚變體玉文攷一麟為仁壽曾祖居上林村至仁壽始遷潯

志廿九

著述一

明

張翼

見人物附傳

農田餘話

未見

趙金

見人物傳

醫學經畧十卷

佚

廣嗣全書

佚

浮休集一卷

未見

○南潯著述總錄云杜偉徐師曾序

淮獻集三卷

佚

朱震

見封贈表

飛鴻集

佚

董環

見人物傳

翠榆集

佚

紀順卿

初名滔見歷仕表

荻塘遺集

未見

董份

見人物傳

史記評鈔四十卷

未見

漢書評鈔四十卷

未見

後漢

書評鈔二十卷

未見

泌園集三十七卷

刊本存○詩七卷附詩餘又文三

十卷申時行序四庫全書集部別集類附存目



華揚

見人物附傳

曉山園集

佚

紀濂

見人物傳

戒子帖一篇

寫本存

陸充

見人物傳

逸溪山房集

佚

公車雜著

佚

歸田遺稿

佚

張金

字鍊之號北堂縣學生

養羽巢詩文集

佚

陸以載

見人物附傳

萬綠堂集

佚

張斗

見人物傳

致覺堂集

未見

董道醇

見人物附傳

董黃門稿一卷

刊本存。有朱國禎董黃門遺草序末有男嗣茂斯

張跋

韓文評鈔二十卷

未見

張光治

見貢生表

禮經注疏四卷

佚

善田詩集二卷

佚

朱守愚

見人物傳

周易箋釋

佚

道德經箋釋

佚

南華經箋釋

佚

楞嚴經箋釋 佚

董嗣成

見人物傳

星槎紀事一卷

寫本存。道光丙申張鑑跋

青棠集八卷

刊本存。謝肇淛章嘉禎序又有茅國縉按

董伯念傳四庫全書集部別集類附存目

光祿遺編

四卷

未見。按今所見僅刊本尺牘一卷後附請建元儲兩疏首題孫漢策敬輯康熙己巳曾孫奕相跋

二游稿一卷

未見

張光朝

字青霞縣學生

青霞樓詩文集十二卷

未見。張氏譜云莊日煊序

許兆禎

見人物傳

醫家四書

未見。朱彝尊跋云診翼藥準方紀醫鏡四部世父貴陽太守鏤板

行之簿錄日後題溥溪培元許兆禎著於御書閣

董嗣昂

見人物傳

狎鷗吟一卷

佚

西雨齋詩稿一卷

佚

雲柯

集一卷

佚

陳王猷

見貢生表

詩經說彙

佚

莊日益

見貢生表

東山草二卷

未見。董志云須之彥序

張明起

見貢生表

春秋質疑四卷

佚

朱國禎

見人物傳

明史槩一百四十二卷

佚。董志曰自序云明史有刊行者有密

纂未行者予妄有所輯以未嘗奉旨不敢進呈題曰史槩以別於全湖錄曰閔雪蓑云朱文肅史槩一書自入史館費一生心血採拾成書後人僅刻其半其半復爲匪人盜取數十篇此書竟勿克全至其文集數十萬言僅飽蠹魚之腹文章蓋有幸不幸焉按史槩目紀凡五曰大政曰大訓曰大因曰大志曰大事列傳凡五曰開國曰遜國曰歷朝曰類曰外今其書行世者缺大因大志二紀歷朝類外三傳有葉向高序今攷朱氏譜云史槩已刊者五種曰大政記大事記大訓記開國臣傳遜國臣傳已刊未全者二種曰大志記四冊歷朝臣傳二冊已寫樣本未刊者六種曰元遺臣傳一卷天勲記一卷天源記二冊天淵記二冊天淵記一卷

湖錄所云大因紀疑即天淵記  
之誤其類外二傳譜所不載  
皇明紀傳三十卷  
佚著述

總錄云當即  
史榮之初彙  
大政記三十六卷  
刊本存。著述總錄云此大政紀之底稿故卷

數多而名亦殊  
書史部編年類附存目  
四庫全  
湧幢小品三十二卷  
刊本存。虬庵

居士自序又有己未自撰湧幢說後有壬戌自跋云是  
編起己酉春至辛酉冬積可三十餘册凡經稗海諸書

所載行世者多不敢錄然毫而忘隨汰隨忘稿亦時有  
散佚而存者尚多會赴召檢出節為三十二卷什之梓

四庫全書子部  
雜家類附存目  
朱文肅遺集八册  
寫本存。本名清美堂集後改題今

名秀水沈叔誕跋云小字鈔本文集八册二集一册  
凡九册曾藏曹倦翁處流傳入吾家而缺其第三册平

涵詩文鈔二册  
稿本存。按詩文雜鈔皆應之作  
按國朝所撰大事記明鑑易知錄並見禁書總目故

不載至大政記亦見禁書總目然已入  
附存目並  
四庫全書

無違礙

華士嶠

見人

澹月齋稿

佚。董志云有因非集燕遊集燕遊續集南征集政餘集客遊集白

下集蘭居集共八編

澹月齋續稿

佚。府志云澹月齋稿續稿傳是樓書目

朱國禎董斯張序其三本著述總錄云家藏傳是樓書目不載此書

董斯張

見人

吳興備志三十二卷

寫本存。有自序末題康熙己丑歲孟冬旬有

三日姪曾孫朝柱謹錄又有董煜跋二篇分帝冑徵宮閣徵封爵徵官師徵人物徵梓梓徵寓公徵藝術徵象緯徵建置徵嚴嚴徵澤徵田賦徵水利徵選舉徵職守徵賑恤徵祥孽徵經籍徵遺書徵金石徵書畫徵清閣徵方物徵瑣瑣徵詭徵匡籍譌凡二十六類湖錄曰備志止於元末明初攷訂周核取材亦多然於唐之元和郡縣志宋之太平寰宇記唐之吳地記宋之輿地紀勝鄰郡如咸淳臨安志范氏吳郡志等書都未寓目以云備志恐未必然行笈日涉錄曰叔高祖遐周先生晚與同郡閔康侯子京兄弟共纂吳興備志成於天啓中而先生卽世草稿粗具幾於失次族叔迎年先生爲整齊而手錄之可謂賢矣覆校原序知此書因徐獻忠掌故集多缺

遺而徧搜史書及統記談志勞志以成是書凡徐氏已載入唐志所有者不復再見亦互備也後人謂其書有未備殊失攷矣著述總錄曰據自序備志之名乃防備之備非完備之備湖錄以誤解也四庫全書史部地理類  
**弁山志輯一卷**未見。按明長興高漣撰弁山志未成斯張從諸書彙輯四十六則

**廣博物志五十卷**

刊本存。萬曆丁未自序又有鈍庵韓敬序分天道時序地形斧展靈異

職官人倫高逸方技閨壺形體藝苑武功聲樂居處珍寶服飾器用食飲草木鳥獸蟲魚凡二十二門四庫

全書子部類書類著錄董志作四十卷譌

**吹景集十四卷**

刊本存。已已菰中王德元復之父

敘西吳韓昌箕仲弓甫序卷一朝元閣雜語四十則靜獻齋藝三十二則卷七克殷度邑二解補伏生書有自

序云世儒謂周書出汲冢乃克殷度邑二解載史記確為逸書非後儒竄入者太史公去伏生不遠其辭亦近

之余意以史載湯誥及二解補伏生今文書而以古文別為一錄卷十三合疏董彥遠除正字謝啓與閔元衢

同撰有自序餘十一卷雜攷證一百七十餘條

**白法志一卷**

佚。著述總錄曰遐周先生雖有通

釋老然吳興備志不列方外之夢伏靜歛齋存草十

二卷刊本存崇禎己巳韓曾駒序並凡例四條凡童

詩餘一卷稿客問稿未焚稿各一卷皆有自序靈薈一

卷伏古賦一卷伏文苑英華鈔四十卷伏增定唐詩品

彙三十卷伏選采真社集伏吳興藝文補七十卷刊本

首題烏程董斯張遐周彙編閔元衢康溪參輯韓千秋

聖開附定有崇禎六年吳興郡守陳以誠序崇禎壬申

朱國禎韓敬二序又有西吳韓昌箕仲弓甫紀事一篇

不肖孤董說刻吳興藝文補感言一篇凡文四十卷賦

一卷詩二十卷詩餘二卷附錄朱平涵文董遐周詩各

一卷補遺四卷行笈日涉錄日吳興藝文補六十三卷

遐周先生彙編自六十四卷以下韓聖閑續成六十五

六卷卽錄遐周先生文與詩之闕涉吳興者六十七卷

至七十卷閔康侯又爲之補遺始自漢獻帝詔至遐周

先生詩餘終焉以誠序謂唐季以前遐周爲政宋元以

著述一

下閩與韓共之區別尤明四  
庫全書集部總集類附存目

趙雋

見人物  
附傳

乍醒草

佚○董志  
云董說序

華仁源

見人物  
附傳

燕遊草

佚  
閩遊草 佚

起霞閣詩集

佚

吳中穎

見人物  
附傳

嗟拙吟

佚  
奚適吟 佚

紀懋勳

字奉山

家訓一卷

寫本存○凡三十四條子鎬  
又補二條從曾孫復亨跋

紀度

字達階號漢  
卿縣學增生

格言隨筆一卷

寫本存○凡一百五條  
一名纂集格言雪簑漁

人問聲跋又有  
孫豹文跋

家訓一卷

寫本

張廷薦

見貢  
生表

天台十景圖

佚

善田詩鈔

佚

古今名賢詩集

十二卷

佚

按董志有范允和癖言堂隨筆范志又增天台十景  
詞致允和為祭酒應期之子初居善山後遷府城或



留寓潯亦係流寓不應入志范志因是遂牽連諸范  
素未寓潯者如范萱范應期范麟范必才范必昌范  
光耀范肇蘭范逢堯范怡曾范能彥范景  
凡十餘人無不闌入潯志矣今悉不載

董廷勛

見貢生表

元覽齋詩集

佚

元覽齋文集

佚

董說

見人易傳

易發八卷

未見

○按

四庫全書經部易類附  
云以先天圖之未全而明出震以納甲圖之非古而表

卦律先天法日月之回環出震象南北之對峙此天地  
之大義也陽律始黃鍾率六律而順行於陽爻陰呂始  
林鍾率六呂而逆布於陰位以出震卦律為學易之樞  
機又進而攷徵曜於三百六十技貞悔於七十二卦作  
易發董志曰朱竹垞曰董氏易發發前人所未發非數  
與理契未  
能默會  
易連  
周易十八爻未濟通輪表  
未見  
周易三

十爻參天兩地表

未見

出震三易合表

未見

洪範變

佚

古詩

緯

佚

詩發

佚

周禮緯一卷

刊本存

○湖錄曰

子樵述云

以周禮司空原非散闕攷工

妄補何異續鳧六官分職原法周天始於左傳提一卷

雲漢循序順行懸象著明非可飾說也

寫本律呂發一卷述云律記有二有候氣之管有和聲

之管候氣有十二月之消長和聲有三分損益黃鍾司

天而主升管長漸短蕤賓司地面主降管短漸長又辨

三鍾四清六書發佚○湖錄曰子樵述云先君以天下

作律呂攷六書發文字皆歸六書世以六者各分有體

無用不知古之制字或一字兼數義或一音轉數音循

義而求旁通無盡形可該聲事可括意假借無常轉注

易變作史記脈未見○棟花磯隨筆云史記評木有三

六書發史記脈一丙子本已焚一癸未本此則丙申本

也二代文獻佚○一名七國攷十四卷官食貨都邑官

室國名羣禮音樂器服雜記喪制兵制刑法災異瑣微

凡十四類每類各分秦齊楚趙韓魏燕七國行笈日涉

錄曰曾從祖若兩先生著七國攷採擷該博兼有攷核

卷帙未分蓋書垂成而未編定也按四庫全書史部

政書類著錄分為十四卷道光中金山錢氏刊入

守山閣叢書有自序見豐草庵前集新刊本失載

澤書

佚○自序云凡生于斯長于斯讀  
書于斯得四十四人而集其文  
豐草庵書譜佚○按

運氣定論一卷刊本存○按  
四庫全書子部醫家類  
子樵述云以素問運氣

王礪諸人有訛謬即以五運六  
氣相加其氣自應作運氣定論  
天官翼庫全書子部天

文算法類  
天象編年佚  
歲差攷佚  
文音發一卷刊本存

有自序  
豐草庵雜著十二卷刊本存○首昭陽夢史

序次非煙香法一卷有鷓鴣生  
河圖卦版一卷有自序云以錢代著  
篋法荒矣京房納

甲子午辰矣三成長夜卦策闕矣  
作河圖版明體用矣

次文字障一卷次分野發一卷  
次詩律表一卷湖錄曰

子樵述云先君以易失於圖  
詩失於序廢小序者乃

卜商氏受之於聖門三百篇之  
標準也小序廢而詩亡

矣又以三百五篇歌皆有譜  
唐時猶存關雎一調後併

失之關雎失譜古樂無傳  
今以音律攷之一篇之中起  
調畢曲各有定位中間則有  
轉聲如關雎如葛覃上以  
準起調下以準畢曲也商角  
徵羽清濁遞更準字發聲

無不諧節作詩律表次漢鏡歌發三卷分測義測韻測

音三門四庫全書集部總集類附存目湖錄曰子樵

述云樂府鏡歌之法可例以詩部位既分律呂可定按

其高下以辨元聲如招呼穉收中吾堯羊飛凡有聲無

義之字即篇中三轉聲之準也以喉舌自然之音應樂

府鏗鏘之節作漢鏡歌發次樂緯一卷次埽葉錄一卷

林韻子野語四卷刊本存○首堯天表有小序次殘雪錄有小

序並題南村林塞遠游甲申野語佚曉寒長語佚相字

氏著前有虎邱退翁序甲申野語佚曉寒長語佚相字

略佚夢鄉語佚○按或疑即夢鄉志攷兩道人家語間

書佚桐葉十書佚草庵羣碎錄佚豐暇錄佚問道錄佚

承雨錄一卷未見研雪錄一卷未見蘭葉筆存一卷未見○

慎辭錄四庫全書子部雜棟花磯隨筆一卷附雜文

家類附存目云明釋本以撰棟花磯隨筆一卷附雜文

一卷寫本存○庚子拂煙錄一卷未見堯封語錄四卷佚

劉桐編寫有跋

寶雲語錄二卷佚靈巖首座寮語錄二卷佚樵堂說畧

一卷未見堯封別錄四卷佚寶雲別錄四卷佚靈巖餘錄

佚散隨錄四卷佚寶安錄佚樵堂法頂拈一卷未見七法

頂五篇未見法華嶺太極圖說表佚臨濟兩宗世次表未見

笈屋記一卷未見化琉璃記佚寶雲雜著一卷佚宗門書

法佚石楠堂石表一卷佚豐草庵前集三卷刊本存○分乍醒七

國茗文三編庚辰至豐草庵文集三卷刊本存○分七

乙酉之文前有自序豐草庵別集六卷刊本存○分雲漢易

編丙戌至丙申豐草庵詩集十一卷刊本存○首人間可

初六編丙戌至癸巳所作豐草庵詩集十一卷刊本存○首人間可

葉編次西臺編次病孔雀編次紅蕉編次登峯編次臨  
蘭亭編次洞庭兩編一名歲寒吟次闕韻牌編丙戌至

丙申之詩前有自序 辛壬雜著佚 甲申乙酉詩歌一卷佚 乙酉雜

文一卷佚 丙戌悲憤詩一卷佚 寶雲詩集七卷刊本存

石編次西荒編次洗藥池編次積雨編次夕香編次挂

瓢集次拂煙集或題寶雲南潛著或題渴霜南潛著前

有康熙己巳禪樂府一卷刊本存○有小序今本惟臺

猶子漢策序山一編附于林鬍子野語後

原本當不止此湖錄日子樵述云乙未詣靈巖僧堂小

參頓悟大法為靈巖幅巾弟子歸作禪樂府補船集皆

出世後補船長語八卷刊本存○首補船村次杞國轉

詩也 次瞋睡魚次披雲嘯次水聲編凡八編惟第五編題月

涵潛禪師石火頌弟子靈巖退翁題潛子石火頌一篇瞋睡

潛又石火頌前有靈巖退翁題潛子石火頌一篇瞋睡

魚前有確庵法弟曉青題辭按府志此書入釋家類而

方外詩類又有補寶雲詩甲編二卷乙存三卷並散隨

船集實復出也

續稿一卷佚 樵堂題跋一卷佚 西荒詩三卷未見 西荒別

續稿一卷佚 樵堂題跋一卷佚 西荒詩三卷未見 西荒別

續稿一卷佚 樵堂題跋一卷佚 西荒詩三卷未見 西荒別

續稿一卷佚 樵堂題跋一卷佚 西荒詩三卷未見 西荒別

存一卷佚 西荒別編一卷佚 小品一卷佚 癸亥雜文一

卷佚 乙酉集佚 秋雪堂稿一卷佚 二餘雜稿佚 後庚集

佚 藥籬雜文一卷佚 乙丑雜文一卷佚 若雨逸稿一卷

寫本南潛詩一冊佚 ○按上二種俱說手寫本向藏劉

潛詩不可得見矣 風雅編年佚 古樂府發佚 文苑英華詩畧佚

嶺雲集佚 ○按錄古今山水詩畫方曉寒合錄佚

按乾隆辛丑浙江頒行禁書總目說諸書皆不在目

中董志云若雨先生易發及諸撰述俱奉四庫館

採取唯以詩句微礙至癸卯復奉文抽板繳銷是後

之詩並無嫌諱○又按說所著尚有通鑑翼災異編

年五六原高暉堂家語兒雅樵雅蟲魚箋草木箋僧

寶五書古文編年但有書名疑未屬草故不錄惜不

得紀官所刊遺文總目一詳攷之○又按楊鳳苞南

疆逸史跋載有無名氏夢

華潭客談疑亦說所作

董式

見人物

古文攷

佚

甲子彙紀

佚

古今人物畧考

佚

陳忱

見人物

雁宕雜著

佚

雁宕詩集二卷

未見○董志曰韓純玉詩兼序略云

雁宕與予生平未曾相識歿後始見其詩及雜著等書亟覓其全集已散佚不能多得矣

按范志忱又有讀史隨筆攷成化中湖州有一陳忱字克誠號醉月嘗修縣志著瓦缶集覽勝紀遊集順治中秀水又有一陳忱字用望甲午副貢著誠齋詩集不出戶庭錄讀史隨筆同姓名錄諸書皆與雁宕同姓名昔人紀載每多牽潤范志亦因以致誤○又按楊鳳苞南疆逸史跋載有陳忱東隱紀年未知為

雁宕為誠齋也

董汝煌

見人物

周易集解

佚

孝經注

佚

莊子釋

佚

韓蘇文評

佚



按范志有嚴定越百尺樓詩稿  
今攷卽莊廷鑑之寓名故不載

大清

張繼周

字儒良號草庭吳江縣學生居潯

醉石軒文集四卷

未見

陸律

見貢生表

思親詠一卷

刊本存○康熙庚申朱射斗序

遺詩一卷

未見

董思

見人物傳

兼山堂集

佚

遇軒詩草

未見

耦耕詩草

未見

明文傳

佚

董漢策

見人物傳

周易大成一百二十卷

佚

易原

佚

春秋傳彙

十二卷

刊本存○順治乙未自序并畧例十二條第十卷第十二卷各分上下實十四卷

四書

全解四十卷

佚○一名

六書原

佚

厯朝孝紀傳贊三十

卷

佚

資治通鑑評附宋元通鑑評二冊

寫本存

榴龕年譜

佚○按一聖門直指頌二卷未見功過錄佚易外聖書佚

甦庵家誠三卷刊本存○董補計然子一卷未見○按

書子部雜家類附存道德經注佚攝身元祕祭煉書

一卷寫本存祿文雜著一卷未見蘆窗信筆一卷○自序

蓮漪集一卷稿本笠翁內篇一卷刊本笠翁內篇二集

一卷刊本從好編一卷未見攬勝文集六卷未見帝園集未見

甦庵外錄未見○已上乍沈居詩草未見詠雲集未見董芝

筠詩集一卷未見詠史詩佚巢軒詩稿佚榴花詩稿一卷

且吟佚窺園雜詠一卷未見和陳白沙詩未見渭雲堂詩

一卷刊本存○長四載詩存一卷刊本蓮閣詩草一卷

洲陳三島序

刊本  
存 自在吟一卷刊本存 夏五遊一卷刊本存 煙艇

吟一卷刊本存 順治辛丑皇甫欽序 寓庵詩未見 怡顏集未見 醉漚吟未見

行舸漫詠未見 安素軒詩一卷附天目放歌刊本存 羨門軼

句一卷未見 吟諾一卷未見 薌水遊一卷附夢遊春詩百韻

詩雲巖嘯詠刊本存 康熙十九年蔡啟傳序 夢遊章春詩有張道岸跋百韻詩有溫秉睿跋

江集未見 攬勝詩集未見 九宜集二卷附孤山感詠未見 鷗盟

集一卷未見 時適編一卷未見 藍珍詞一卷刊本

存 董詞一卷刊本存 董詞二集一卷刊本存 漱玉編未見 雪香

譜一卷刊本存 已上 讀古定本十七卷刊本存 康熙戊辰自序

一名歷朝 朝元閣詩刻未見 按朝元閣在光福董份墓側後以避諱改朝陽閣此書

古文選

錄閣中諸人題詠 采真詩選 佚

潘文福 見封贈表 孝史十卷 佚

陳寅清 字霽山 櫛龕隨筆 未見 秋霞集 未見

張麟生 字繡舟縣學生 雪泥集二卷 未見

姚淳楫 字經雲號導川府學生按或作浮楫謫 水雲子文一卷 佚 水雲子詩

草一卷 佚 水雲子遺稿一卷 寫本存○姪曾孫筠編錄并跋

聞廷綸 字言如 龜經大全六卷 未見

閔南仲 見人物傳 碎金集二卷 寒玉居集二卷 刊本並存○有成都費錫璜吳

州後學沈默康熙壬寅吳興潘尚仁三 鸞坡存草一卷

序四庫全書集部別集類附存目 未見○董志 石漁續集一卷 未見○著述總錄云陳可

云潘尚仁刻 升編有小序詩百二十首

漱玉集

佚

梅花百詠

未見

枳鷺山房稿

未見

螺川漫錄

未見

張應綽

字君如縣學廩生

三禮異同辨正八卷

未見

○張氏譜云陸士涓董衡序董

志作張廷薦撰

抱冬樓遺詩四卷

佚

董衡

見人物附傳

詩儂歸夢記一卷

佚

未學齋詩集十卷

未見

○董

志云陸圻序刻著述總錄云曾見殘編一冊年分一集丙戌為焚餘丁亥為苔篇戊子為寂圃吟己丑庚寅為沙壇草為雪臥居草餘皆缺總序亦未之見苔篇有顧密波潛初序沙壇草有溫蒼來春生序雪臥居草有兄漢策序

學齋詩詞

佚

紀鎬

字武京號亦山一號西村逸圃縣學生

左氏佩

佚

讀書佩四卷

寫本存

○一名

嘉言懿行錄

亦山詩集

未見

○董志

韓文近一卷

刊本存

○

首題吳人孫侯商聲選評紀鎬武京裁定前有漫言一篇順治己亥孫侯題又有選義六則又有苔雪棘人紀

錫序蘇文近未見○董志云自序刻六家文近未見○董志云自序刻

董震蚪見人物附傳古今忠孝事類佚

董渠成見歷仕表芭庵詩草佚

張肩見人物傳遠偏廬遺詩未見

張發見舉人表湖山詩集未見

董樵見人物附傳易象表未見歸藏論佚山海卦緯佚周禮六夢

表佚史測佚蔗園詩集未見蔗園雜文佚

董聞京見人物傳易說佚文獻通考鈔佚六壬心書佚續命書

佚喜聞錄佚偶諧篇佚復園文集六卷刊本存○叔祖若雨氏序又有

自序四庫全書集部別集類附存目閩岑文稿未見琴鶴迂鈔未見復園詩

集

未見。按文集有詩集自序又有與愁草西征草寓言泛雪編翠微吟采山編擊壤嗣音等小引七首當

即詩集

吉雲草

未見

昌黎文選

佚

古文餐英

佚

俞雋

字人豪號逸人

聽雨樓集

佚

董牧

字放雲

是齋存稿一卷

佚

董耒

見人物附傳

策卦十八變全圖

佚

香箋

佚

稼庵詩存一卷

未見

稼庵詞存一卷

未見

稼庵雜文

佚

南雅五卷附靈源詩

存一卷

刊本存。選諸僧詩蔭在薪逸崗及範羽源鴻昭讓石祭元定謂超則遠普慧方頂正提聖力

并董樵董耒凡十六人乙卯七月漏霜比邱南潛序詩存逸實訥顯謨真諦定識四人寶雲病僧南潛書後

紀遠

見人物傳

風雨吟草一卷

刊本存

未序董志云御書閣僧智融刻

邢默

字子容歸安廩生

醫學指南四卷

佚

董神駿

字西御縣學生

碧瀾堂詩集一卷

見末

董穀士

見人物附傳

古今類傳四十卷

刊本四卷存餘佚。按刊本天部歲時類四卷

首題董穀士農山董炳文霞山輯康熙壬申松陵潘未序穀士自序并凡例七條卷面有朱印云是書分天地人物四部茲集歲時乃天部中之一也又朱文長印云人部年齒嗣出而世無傳本蓋亦未刊也四庫全書史部歲時類附存目農山詩文集未見

董舫

字闕仙

洗硯刪存一卷

見末

墨渡齋詩草

佚

按范志有王濟半硯齋集今攷濟即莊廷鑑之子改姓名故不載濟妻王錫惠有倡隨集五卷今亦不載

董穎佳

字玉禾歸安學生

中江編年集六卷

見末

玉禾詩集

佚

紀官

見人物附傳

豐草庵遺文總目

見末

餘素齋詩文集三卷

寫本

存。漏霜老人評丙戌自跋丁亥沈昂跋乾隆四年董浩序又跋董志云茅映奎序按官有北行記南還記俱



編入文集  
中後有族曾孫磊跋

倪璠

見人物附傳

神州古史攷一卷

未見。按原書一百五十餘卷。唯刊一卷。四庫全

書史部地理類附存目

方輿通俗文一卷

未見。按四庫全書史部地理類附存目

庾子山集註十六卷

刊本存。首題錢塘倪璠晉王注釋有年譜世系圖并注釋題詞十

四條。四庫全書集部別集類著錄

沈奕

字夔一

爾爾草一卷

寫本存

董奕相

見貢生表

上諭十六條彙詮

未見。生洲詩草未見。董志云陶爾

稊序繡川詩草

未見金疊編

方穀

見人物附傳

杏花軒詩草

未見。或作杏飛軒疑誤

董延枋

字準生監生候選州同

葵園詩刻

佚

紀寅見人物晴嵐詩集未見。董志云石晴嵐遺詩一卷

寫本

董友松見人物鏡園詩草二卷刊本存。康熙辛酉鏡園

詩文集佚

董香齡字星池一字大還山房詩集未星池詩草佚

董志林見封表好生錄佚慾海晨鐘佚夢園集八卷未夢園

未刻稿見淮遊草一卷未

董師植見人物汾園集十五卷刊本九卷存餘未見。刊

序凡賦二卷詩

董炳文見人物霞山詩詞未畹香樂府未百花詞一卷刊本

有年姪邵基序又有乾隆采兆敦牂  
孫培姚成烈敬題百花詞後一篇

張駿生

字御周

善田草堂詩文集

佚

夏光遠

見人物附傳

五經纂要

佚

圖書攷

佚

潯溪文獻

未見。卽增輯

南潯志

東甌紀事

佚

左國八家文選

佚

殷赤珠

字茲在一字芝儕號迂叟縣學增生

織雲齋雜著一卷

未見。著述總錄云凡散

行駢體文五十餘首織雲齋詩集

佚

殷沈唱和集一卷

寫本存。有密庵氏

跋又許旦復跋云赤珠與沈怡心同居城濠上凡唱和詩一百四首

陳某

名字無攷可升之父

詩文集八卷

佚

沈國正

見貢生表

論文一篇

刊本存。按陸隴其載用勉錄卷首

元一遺詩

佚

邢基

見封贈表

脈經註釋六卷

未見

東垣十書批解

未見

西園居士

詩存

未見。邢氏譜云徐葆光序。

董士驥

字鳴遠

遺集一卷

未見

董士驥

字冀驂府學增生

菊谿遺集

佚

曹爾价

見人物附傳

不寐吟一卷

未見

俞棧園

名失

平鳴詩畧

佚

紀端

字南表縣學生

菊存詩草二卷

寫本存。壬辰族孫磊跋丁未又跋

董永烈

字指芬號敬亭府學生

聽雨軒詩草一卷

未見

董煥

一名永煥字初暉又字東有號旭初監生

膝語軒詩一卷

未見

董世熙

字維清監生

明軒詩集一卷

未見。一名繪心編

董陳亮

榜姓陳名亮見貢生表

性理集解

佚

臥雲樓琴譜

佚

益齋集

未臥雲樓詩集未見

董學謙字景仁縣學生止齋詩集四卷未見

董元烺字晨緇監生遺詩一卷佚

張鳴鈞見人傳蠶桑條約未見。張氏譜云刊于河南有王士俊序

張鳴謙號紉蘭紉蘭詩草未見紉蘭別集未見

計成見貢生表南林居士詩集佚

夏封泰見人傳周易直本中觀七卷刊本存。上經二篇下經二篇後附編類一篇

繫辭一篇文官說卦序卦雜卦二篇尚書宗要六卷刊本存毛詩注疏學三

十一卷刊本存春秋參壹佚夢嚶編一卷刊本存。承重孫耀曾跋

曹大斌見人傳曹日黑三卷寫本存。首題文貞先生曹大斌敦山氏著後學張鴻窓少翀

校錄有旃蒙武定府志未見嘉定縣志未見鹽城縣志未見博

物廣志三十卷佚藝文志三十卷佚文貞先生敝帚編

八卷寫本存。張鴻憲選錄敝帚編四卷刊本存。按

十餘篇此選刊六十七篇首有自題五古一首

謝洲見人散木集三卷刊本存。凡詩二卷文一卷有分

雍正乙巳董燠序雍正丙午曹大斌序康熙壬寅嚴遂

成序又墓誌銘一篇南江董燠撰後有乾隆戊子蘭仙

子姚景熹跋散木庵詩彙一冊寫本存。有茗川張載

董王錫跋月軒漁草未見宋元明詩文選佚。與董燠

王起鵬見人翹如遺文未見董燠見人四書纂要一冊稿本行笈口涉錄十五卷稿本

蛾子時術小記二卷

彙本存。上卷自石經至天體算學十六篇。下卷自合祭天地之失

至太湖水利

蛾子時術小記初集一卷附讀國語劄記

三十九篇。彙本存。小記凡百五十餘條。劄記自魯語已下殘缺。

詩學津涉十八卷

未見。南江

集二十四卷

詩二十卷。彙本存。文四卷。未見。詩集編年。起康熙己卯迄乾隆丁卯。分十五集。楚

雨編劍吹小稿。共一卷。白雲彙一卷。一知集。上下二卷。欲彈集。監費集。渡江小稿。各一卷。尋則齋集。上下二卷。

南毫集一卷。尋則齋續集五卷。辛壬癸近彙。藕花溪上小彙。廣陵新詠。偶影齋集。居全小齋集。各一卷。前有舊

序。撰人名氏。割去。又有爛溪周龍藻序。庚寅春溫山溫集。枕楚雨劍吹白雲三集。序中間有楚雨編。自跋。欲彈

集。自序。平湖陸大業。監費集。序。鹽官陳世修。渡江小彙。序。石里張尚瑗。南毫尋則兩集。序。唯第七卷。渡江小彙

係刊本。餘俱南江詩集四卷

刊本存。仍載周龍藻溫塗乙彙本。南江文集二卷

戊午弟文白跋。其詩皆從二十卷本選出。唯冠以賦三篇。

南江文集二卷

刊本存。董志作三

卷柳河東詩補箋三卷柳氏世系表一卷年譜一卷附

錄一卷

稿本並存。書計七冊無序跋重明詩選未董

氏詩萃二十卷

刊本存。乾隆十年自序樂與集未

董煇

字承一又字承

蝸廬小集三卷

未見

紀肇基

字南英縣學生

墨閒詩草

佚

紀雲錦

見封表箋疏格言未

董懋昭

字鑑平一字慶霄歸安廩生

黼庵遺稿

未見。董志云董煇序刻

董良弼

初名利見見舉人表

守齋詩集一卷

寫本存

姚石

見人物附傳

漫吟詩鈔一卷

未見。董志云董煇謝洲序刻

董安

見人物傳

堅齋詩集三卷

寫本存。且佳園吟草晉遊草燕臺草三編弟文白序



董浩

見人物附傳

南谷集四十卷

未見。董志云董燠序

董煜

字麀，號揚夫，縣學生。

夢蜨吟

佚

潘尚仁

見歷仕表

蘇門山客詩鈔十卷

寫本存。青青吟于役吟，怡雲集行有錄。吳陵

宦遊草匏繫集，塞外寒鳴。蘇門偶存，還山吟放餘集，凡十編。董燠沈德潛序。

陳可升

字日如，號補亭。

潯溪文獻一冊

寫本存。一名潯南掌故，又名南潯續志，分三十門。

龔軒集二卷

寫本存。著述總錄云：庚申辛酉詩草各一卷，非全本也。

旭峯詩草

見

邢廷金

見舉人表

防河要議八卷

未見。邢氏譜云：潘尚智序。

夏開衡

見人物附傳

國書分類

佚

董文白

即張文白，見貢生表。

易庵詩集九卷

寫本存。燕游草、閩游草、東籬稿、釣雪吟、東游

草、直沽游草、汴梁游草、桐邱游草、舊巢吟各一卷。桐邱錢塘金文淳序。竹墩畏堂沈樹德序。兄燠訥夫序。

倡和編三卷

刊本存。元默敦牂董邦達序初編

會芳

軒倡和編三卷

寫本存。倡和者凡十一人

燕臺倡和編未見

姚景熹

見人物附傳

彊恕齋隨筆一卷

佚

愛蘭仙子詩草十二

卷

未見。心香齋稿惜苔軒稿林樓樓稿凝香閣詩鈔

山房稿素心草廬稿橘香樓稿十蘭仙子遺稿一卷

存。道光癸卯孫燮序

董烱

初名章烱字竹隱號怡亭監生

南窗吟草一卷

未見

計士枚

見舉人表

上亭詩鈔

未見

董源

字禹門號清塘縣學增生

螭屈吟

未見。卽清塘遺詩

董揚

初名揚增字游加縣學增生

蘇齋詩集

本見。董志古香齋集未見

董汭

初名渭影字西瞻一作西占縣學生

晚香詩草

未見

董駿

初名竣字開雍

贅民詩橐

未見。董志云吳山秀序刻

紀琴思

字仲隨號鶴亭廩貢生候選訓導改主簿

學知堂詩集四卷

寫本存。凡海陵橐

袁浦橐倦游橐應酬雜錄各一卷子豹文編錄有長梧朱星渚題辭末附豹文撰述畧一篇

董耀

初名章耀字經遠號青齋監生

青霞樓遺詩一卷

橐本存

紀廷輝

見舉人表

清遠堂詩錄

佚

牧庵遺詩一卷

寫本存

夏載華

見歷仕表

石泉遺草

佚

董繩烜

一名烜字全夫號曙齋監生范志作繩銓謫

餘事集一卷

未見。卽來月軒詩草

吳倓

字口

讀左錄

未見

嗜菜集

未見

渡江集

未見

董翼

見舉人表

訥齋遺詩一卷

寫本存

沈國棟字蘭坡歸安學生袁江游草一卷彙本存吳陵遊草一卷彙本

存

董麟兆字昂霄監生古今類輯佚耐庵詩鈔佚

莊學德字□□潯溪文獻佚

董正字右之號明君縣學生遺詩一卷佚

董彙吉見貢生表淳庵遺稿一卷彙本存○卽泰茹遺草

董上墉字乘之監生可亭遺詩佚

董承勲見人傳周禮通說佚地勢考佚畿輔水利考佚東魯

水利考佚洛潭小記佚荒政記畧佚捕蝗小記佚芭堂

詩集五卷寫本存

張明揚

字冕廷歸安學生

拜山詩稿十卷

寫本存

董金城

見貢生表

少客詩集二卷

未見

紀復亨

見人物傳

祥夢記

未見

鼎湖小志一卷

未見

太僕遺文百一

編一卷

寫本存

族姪豹文校閱

心齋集十卷

寫本存

蘭夢軒稟凡經進詩二卷

古今詩

五卷

詠物詩一卷

存

紀

晉陽唱和編一卷

寫本存

金

館課偶存一卷

寫本

存

寫本

存

寫本

存

寫本

存

寫本

存

存

董三達

字備尊監生

遺詩一卷

佚

紀日照

字麗中縣學生

珠厓詩文集

佚

半鄉齋存稟

佚

珠厓遺詩

二卷

寫本存

族孫屨跋

紀士玉

見舉人表

懸圃詩鈔

未見

董希輅

見貢生表

蓮臺所見書目

佚

蓮臺遺詩一卷

寫本存

張鴻雋

字禮源號薌泉

南潯文獻志二冊

寫本存。乾隆戊寅自序凡例九則分三十六

門內缺詳異叢談二門一名重增南潯志或作張鴻憲著譌突卯董肇鏗跋

俞從龍

字翰飛縣學生

在竹居詩稿一卷

未見

陸金

字麗江號明齋

堪輿一貫六卷

刊本存。前集空龍鏡三卷後集理氣會覽三卷乾隆丁

未潯溪老人自序

董庭堅

字襄虞府學增生

毅庵今體詩集

佚

毅庵遺詩一卷

寫本存

董豐垣

見人物附傳

禹貢纂註一卷

寫本存

尚書大傳考纂三卷

刊本存。吳江沈彤序乾隆三年董炮序後有附錄補遺源委備考

竹書紀年辨證二卷

補遺辨證一卷

寫本存。乾隆甲子長洲彭啟豐序。江都唐紹祖序。乾隆丙辰自序。又自跋補

遺辨證丙辰自跋。後有姪肇鏜跋。

識小編二卷

刊本存。乾隆癸未自序。四庫全書子部雜

家類著錄。菊町遊橐一卷

橐本存。

董民傑

字興豪歸安廩生善培瑒子術

凡夫僅存草一卷

寫本存。

董鈞

一名秉鈞字奏廷附監生

百尺樓詩一卷

未見

董調元

字汝梅號箬川廩貢生

藕花溪吟草一卷

未見

董鏞

見封贈表

地理摘要二卷

未見

董起元

字棟青號紹亭監生

九宜樓詩鈔

佚

姚德鉉

字治公

吳興志纂

未見

治公集唐詩

未見

董進元

字輔唐歸安學生

恕庵詩鈔

佚

紀汝霖

字潤章號商巖監生

嚳覺集五卷

寫本存

吳巖

見人律表

未見。攬藍山房漫記云龍泉使承祖梓行

灌園近稿

佚使游

草

未見碧梧山館詩集

未見

丁蟾

字月亭號蓉齋縣學增生

蓉齋詩藁十五卷

佚候蟲吟一卷

寫本存。

道光戊子張鑑序

西泠草三卷

寫本存

續候蟲草二卷

寫本存

蛤巷

草一卷

寫本存

三續候蟲草一卷

寫本存

胡璘

字遺之縣學生或作崔璘

寶書樓詩草偶存

未見

甌越游草

未見豫章

游草

未見

徐景

字口

夢草軒詩草

未見

王鼇

字掌絲歸安學生

辟塵軒吟草

未見



徐德元

見舉人表

戎疆瑣記

未見

香雨叢談

未見

蜀中名勝記

未見

作蜀中名勝詩

官箴詩

未見

燕中草

未見

蜀中草

未見

秋海棠倡和詩

未見

芷堂文彙

未見

韓宗濂

字叶溪縣學生

梧影軒詩草

未見

潘其瀾

字思澄

香泉殘稿一卷

寫本存。有丁蟾題辭道光二十八年族孫煥明序

董兆元

字蓉采號庵縣學生

江峯筆記

未見

江峯詩文集二卷

寫本存

庚戌甥男錢璋編錄璋有跋

嚴海珊明史雜詠集註四卷

未見。海珊名遂成

驥村人兆元之舅氏

古今類詩六十卷

寫本存。以天地人物爲次各有子目

續董

氏詩萃

未見

董景坡

初名小坡見舉人表

眉峯詩集二卷

寫本存

陸充垞字鳳輝葑澨遺詩一卷彙本存

董啟埏見歷仕表秋樹詩草一卷寫本存

董蒼霖字清載號魯庵吏員候選主簿餘事詩彙佚

張鴻憲字少翀號和叔府學生書經理解質疑五卷佚歷朝篆體四

卷佚印宗一卷佚和叔遺文二卷佚蛩吟詩集二卷佚

即少翀遺詩

陸嵩高見人物附傳敬堂遺詩未見鳳池集未見滇遊草禾見

溫鶴立見進士表陂田遺草未見